

jarida la

WIZARA YA UTAMADUNI, SANAA NA MICHEZO

Jarida la Mtandaoni

www.michezo.go.tz

Agosti 11, 2022



Wizara ya Utamaduni, Sanaa na Michezo



TAHARIRI

HONGERA SERIKALI KUTUMIA MICHEZO KUITANGAZA TANZANIA



Mhariri
JOHN MAPEPELE

Waziri Mkuu wa Jamhuri ya Muungano wa Tanzania. Mhe Kassim Majaliwa Majaliwa Agosti 10, 2022 amefungua Mkutano Mkuu wa 44 wa Shirikisho la Soka Barani Afrika (CAF) jijini Arusha.

Akifungua mkutano huo ulio-hudhuliwa na nchi 58 duniani amewakaribisha washiriki na viongozi wote kutembelea maeneo na vivutio mbalimbali vya utalii vilivyomo nchini.

Tunapenda kutumia fursa hii kuipongeza Serikali kwa mka-

kati huu kabambe wa kutumia michezo kuitangaza Tanzania kimataifa.

Tunatambua jitihada hizo zinazofanywa na viongozi wakuu wa Serikali ikiwa ni pamoja na filamu za Royal Tour zimeshaanza kuzaa matunda kwani tumeshuhudia ongezeko kubwa la wageni.

Tunaamini kila mmoja akite-keleza wajibu wake nchi yetu itapiga hatua zaidi kiuchumi.

Kazi iendelee

BODI YA WAHARIRI

Katibu Mkuu Wizara ya Utamaduni, Sanaa na Michezo
Dkt. Hassan Abbas

Naibu Katibu Mkuu Wizara ya Utamaduni, Sanaa na Michezo
Saidi Yakubu

Mhariri
John Mapepele

Waandishi
Waandishi Maalum

Wapiga picha
Joseph Kigingi
Projectus Binamungu

Msanifu
Abubakar W Kafumba



Waziri Mkuu afungua mukutano wa 44 wa CAF

Na Mwandishi Maalum

Waziri Mkuu wa Jamhuri ya Muungano wa Tanzania Mhe. Kassim Majaliwa Majaliwa leo Agosti 10, 2022 amefungua Mkuutano Mkuu wa 44 wa kawaida wa CAF katika Kituo cha Mikutano cha Kimataifa (AICC) Arusha.

Akifungua mukutano huo Mhe. Majaliwa amefafanua mafanikio mbalimbali ya michezo ambayo yamepatikana katika kifundi kifupi chini ya uongozi wa Rais Samia Suluhu Hassan.

Ametoa wito kwa wageni waliohudhuria mukutano huo kutembelea maeneo mbalimbali ya utalii na kujiona vivutio vya utalii.

Mukutano huo umehudhuriwa na Rais wa Shirikisho la Soka Duniani (FIFA) Gianni Infantino na Rais wa Shirikisho la Mpira wa Miguu Afrika (CAF) Patrick Motsepe ambapo Mhe. Majaliwa aliwapatia zawadi kutoka kwa Rais Samia Suluhu Hassan.

Waziri wa Utamaduni, Sanaa na Michezo, Mhe. Mohamed Mchengerwa amesema kwa sasa Tanzania imepiga hatua mukubwa katika michezo kiasi cha kuweza kuratibu mikutano mikubwa ya kimataifa kama huu.

Rais wa Shirikisho la Soka Duniani (FIFA), Gianni Infantino amesitiza kuwa kipaumbale cha FIFA kwa sasa ni kuimarisha timu za taifa ili ziweze kufanya vizuri ambapo ameongeza kuwa katika kipindi hiki Afrika imeongezewa timu ambazo zitashiriki kombe la dunia.

Mukutano huo pia umehudhuriwa na viongozi mbalimbali wa Wizara ya Utamaduni, Sanaa na Michezo wakiongozwa na Waziri Mhe. Mohamed Mchengerwa, Katibu Mkuu Dkt. Hassan Abbasi na Naibu Katibu Mkuu Said Yakubu. Zaidi ya Waandishi wa Habari mia moja wa ndani na nje ya Tanzania wamealikwa ambapo inatarajiwa watu zaidi ya bilioni moja kutazama mbashara mukutano huu.



Mhe. Mchengerwa - CAF Kuzindua "Afrika Super Cup"

Na Mwandishi Maalum

Waziri wa Utamaduni, Sanaa na Michezo, Mohamed Omary Mchengerwa amesema Mkutano Mkuu wa Shirikisho la Soka Afrika (CAF) unaofanyika kesho Agosti 10,2022 jijini Arusha Tanzania, unakwenda kuzindua mashindano maalum ya kandanda ya Afrika Super CUP.

Akizungumza kwenye Mkutano wa Waandishi wa Habari jijini Arusha leo, Agosti 9, 2022 Mhe. Mchengerwa amesema mkutano huo ambao ni wa kwanza wa kihistoria katika Bara la Afrika na Tanzania unaifaida kubwa kiuchumi na

kimichezo.

Waziri Mchengerwa amefanua kuwa baadhi ya wageni wanaoshiriki kwenye mkutano huo wameshapanga kutembelea maeneo mbalimbali ya utalii hapa nchini baada ya kumalizika kwa mkutano huo. Mchengerwa amesema mkutano huo wa 44 unatarajiwa kufanyika kesho ambapo una-jumuisha mataifa 58 na nchi 54 ni za Afrika.

Aidha, amesema ni nchi mbili tu za Afrika yaani Kenya na Zimbabwe ambazo zinatumikia adhabu ambazo hazishiriki

kwenye mkutano huo.

Amesema mkutano huo pia utahudhuriwa na Rais wa CAF Dkt. Patrice Motsepe na Rais wa FIFA Gianni Infantino ambapo pia Waziri Mkuu wa Jamhuri wa Muungano wa Tanzania, Mhe. Kassim Majaliwa atamwakilisha Rais. Mkutano huo unatarajiwa kushirikisha zaidi ya watu mia tano aambapo zaidi ya wandishi wa habari mia moja wa ndani na nje ya Tanzania wanatahudhuria na kuangaliwa mbashara na zaidi ya watu bilioni moja duniani kote.



Mhe. Mchengerwa ampokea Rais wa FIFA

Na Mwandishi Maalum

Waziri wa Utamaduni, Sanaa na Michezo. Mhe, Mohamed Mchengerwa usiku wa kuanzia Agosti 10, 2022 ameongoza ujumbe wa kumpokea Rais wa FIFA Gianni Infantino anayekuja kuhudhuria mkutano wa 44 wa Shirikisho la Soka Barani Afrika (CAF).

Mkutano huo wa kwanza wa

kihistoria unafanyika kwa mara ya kwanza nchini huku zaidi ya nchi 58 kutoka sehemu mbalimbali duniani zikishiriki.

Mhe. Mchengerwa amemkaribisha Rais wa FIFA Gianni na kumpatia salamu za Mhe. Rais wa Jamhuri ya Muungano wa Tanzania na kumwelezea jitihada mbalimbali zinazofa-

nywa na Serikali ambapo Rais wa FIFA ameelezwa kuridhishwa na maendeleo ya Michezo. Amepongeza kazi kubwa huku akisema amefurahishwa na makaribisho hayo.

Mkutano huo unatarajiwa kuhudhuriwa na zaidi ya watu mia tano na kuangaliwa na watu zaidi ya bilioni moja.



FIFA Kuendelea Kuisaidia Tanzania, Yaridhishwa na Utendaji Wa Rais Samia

Na Mwandishi Maalum

Rais wa Shirikisho la Soka Duniani (FIFA) Gianni Infantino amesema FIFA itaendelea kuisaidia Tanzania kutokana na kuridhishwa na jitihada mbalimbali zinazofanywa na Serikali inayoongozwa na Rais Samia Suluhu Hassan kwenye Michezo.

Akizungumza usiku wa kuanmkia leo Agosti 10, 2022 mara baada ya kupokelewa na Waziri wa Utamaduni, Sanaa na Michezo, Mhe. Mohamed Mchengerwa katika kiwanja cha ndege cha Kilimanjaro amesisitiza kuwa FIFA itaendelea kuisaidia Tanzania. Akiongozana na wachezaji mahiri wazamani waliopata kucheza katika makombe ya dunia na mwamuzi Corina amesema amefurahishwa na jitihada mbalimbali zinazofanywa na Tanzania.

"Tayari FIFA imekwishatoa msaada wa ujenzi wa viwanja changamani Dar na Tanga lakini wako tayari kwa ajili ya kuongeza vituo katika kanda nyingine" amefafanua Mhe. Mchengerwa.

Aidha, Mhe. Mchengerwa amemshukuru Mhe. Rais Samia Suluhu Hassan kwa jitihada kubwa kwenye ambayo imesaidia Tanzania kupiga hatua duniani katika Michezo.

Mhe. Mchengerwa amepokea viongozi mbalimbali wa juu kwenye mashirikisho ya Soka duniani na kufanya vikao vya kuendeleza michezo ambaeo leo wanahudhuria mkutano Mkuu wa 44 wa Shirikisho la Soka Barani Afrika (CAF) jijini Arusha.

Aidha, Mhe. Mchengerwa ametumia fursa hiyo kuendelea kuimarisha mahusiano na mashirikiano na nchi mbalimbali ambazo tayari ziliahidi kuendeleza mashirikiano katika sekta za michezo, Sanaa na Utamaduni.

Mkutano huu wa kihistoria unatarajiwa kuhudhuria na zaidi ya watu mia tano na waandishi wa habari zaidi ya mia moja huku ikitarajiwa kuangaliwa na zaidi ya watu bilioni moja.

Tayari viongozi wakuu wa mashirikisho yote ya Soka kutoka mabara yote wamewasili na Waziri Mkuu, Mhe. Kassimu Majaliwa anatarajiwa kumwakilisha Rais wa Jamhuri ya Muungano wa Tanzania, Mhe Samia Suluhu Hassan.



Dkt. Abbasi Awaongoza Rais Wa FIFA, CAF Kupanda Miti

Na Mwandishi Maalum

Katibu Mkuu wa Wizara ya Utamaduni, Sanaa na Michezo, Dkt. Hassan Abbasi, leo Agosti 10, 2022 ameuongoza ujumbe wa juu wa Shirikisho la soka Duniani (FIFA) na Shirikisho la Soka Barani Afrika (CAF) kupanda miti ya matunda jijini Arusha.

Dkt. Abbasi amewaongoza Rais wa FIFA, Gianni Infantino na Dkt. Patrice Motsepe wa CAF katika eneo la Shule ya St. Constantino, Arusha, kabla ya mechi ya kirafiki ya viongozi hao iliyochezwa jioni ya leo Agosti 10, 2022.

Mechi hiyo iliwashirikisha marais wa mashirikisho ya soka katika nchi za Afrika na

wachezaji nguli duniani ambao walijumuisha pia viongozi wa FIFA imekuwa na hamasa ya aina yake huku Waziri wa Utamaduni, Sanaa na Michezo, Mhe. Mohamed Mchengerwa akifungia timu yake goli moja.

Mechi hiyo imechezwa mara baada ya kumalizika mukutano mkuu wa 44 wa CAF uliofanyika katika kituo cha kimataifa cha mikutano cha Arusha huku ukihudhuriwa na zaidi ya washiriki mia tano kutoka nchi 58 duniani ambapo nchi wana chama ni 52 ukiondoa Kenya na Zimbabwe ambazo hazi-kushiriki kutoptana kuwa ziliikuwa zikitumikia adhabu.

Awali, Dkt Abbasi akihojiwa na

waandishi wa habari amefafanua kuwa mukutano huo ume-kuwa na mafanikio makubwa ya kimichezo na kiuchumi kwa nchi yetu.

"Ni muhimu kutambua kuwa Serikali imetumia mukutano huu mkubwa wa michezo kim-kakati ili kuitangaza Tanzania" ameongeza.

Aidha, Dkt Abbasi amesema kuitia mukutano huo Rais wa FIFA ametangaza kuziongeza timu za Afrika katika mashindano ya FIFA, pia kuongeza ufadhili kwa nchi za Afrika. Kuhusu kuandaa AFCON mwaka 2027 Dkt. Abbasi amesema Tanzania imeshauriwa kushirikiana na Uganda kuandaa mashindano hayo.



Waziri Mehengerwa Awaongoza Rais Wa FIFA, Nchi 58 Kuitazama Royal Tour

Na Mwandishi Maalum

Waziri wa Utamaduni, Sanaa na Michezo, usiku wa Agosti 10, 2022 amewaongoza viongozi wakuu wa nchi 58 wa mashirikisho ya Soka kuangalia Filamu ya Royal Tour jijini Arusha.

Mhe. Mehengerwa amewaongoza kutazama filamu hiyo iliyochewza na Rais wa Jamhuri ya Muungano wa Tanzania, Mhe. Samia Suluhu Hassan ambayo imewavutia wengi kuiangalia na kuomba kutembelea maeneo mbalimbali.

Tayari makundi matatu ya washiriki yamejitokeza kutembelea Hifadhi za Ngorongoro, Serengeti na Zanzibar kuanzia

kesho Agosti 11, 2022. Kundi hili la viongozi limewajumisha takribani watu mia tano ambaao ni washiriki wa mkutano mkuu wa Shirikisho la soka Barani Afrika (CAF) ambaao wamemaliza mkutano wao wa siku mmoja uliofanyika katika kituo cha kimataifa cha Mikutano cha Arusha.

Mhe. Mehengerwa amewakaribisha washiriki wote kutembelea vivutio vya utalii ambavyo Tanzania imebarikiwa ambavyo havipatikani sehemu nyingi duniani.

Aidha, amewashukuru Rais wa Shirikisho la Soka Duniani (FIFA) na uongozi wa Shirik-

isho la Soka Barani Afrika (CAF) kwa ushauri wa kuitaka Tanzania kuandaa mashindano ya soka ya Afrika (AFCON) ya mwaka 2027 kwa kushirikiana na Uganda.

Amesema Tanzania ipo tayari kushirikiana na Uganda kwa kuwa nchi zote mbili ni majirani na ndugu pia zimekuwa na mashirikiano ya karibu katika mambo mengi kwa muda mrefu.

Ametumia nafasi hiyo kuwaribisha FIFA wakati wowote wanapofikiria kufanya mikutano yao kuja kufanya Tanzania kwa kuwa Tanzania ina kila hitaji muhimu ya mikutano.



Rais wa FIFA Awaongoza Wajumbe wa Mkutano Mkuu Wa CAF Kuchenza Singeli

Na Mwandishi Maalum

Rais wa FIFA Gianni Infantino amewaongoza mamia ya wajumbe wa mkutano mkuu wa CAF kuchenza singeli katika hafla ya chakula cha usiku iliyoandalisha na Serikali Agosti 10, 2022 jijini Arusha.

Tukio hilo pia lilipambwa na

msanii Ray Vanny ambaye aliwaburudisha vilivyo washiriki hali iliyomuinua Rais wa FIFA Gianni Infantino kuanza kuchenza singeli.

Kikundi cha Wana star pia kiliwainua washiriki kwa shangwe kufuatia mtindo wao wa kuchenza na nyoka na mahadhi

ya kiafrika zaidi.

Kwa nyakati tofauti Rais wa FIFA na CAF wameishukuru Serikali ya Tanzania kwa mapokezi na maandalizi mazuri ya mkutano huo na kuhidi kuendelea kushirikiana na Tanzania katika michezo.



Karia Amshukuru Mhe. Rais Kufanikisha Mkutano wa CAF

Na Mwandishi Maalum

Rais wa Shirikisho ya Soka nchini Wallace Karia amemshukuru Rais wa Jamhuri ya Muungano wa Tanzania, Mhe. Samia Suluhu Hassan kwa kusaidia Michezo nchini.

Karia ameyasema hayo wakati wa Mkutano Mkuu wa 44 wa Shirikisho la Soka Barani Afrika Agosti 10, 2022 jijini Arusha.

Amefafanua kuwa katika kipindi hiki Serikali chini ya Mama Samia imefanya mambo makubwa ya kimapinduzi kwenye michezo ambayo yanapaswa kupongezwa.

Aidha amesema anaishukuru Wizara ya Utamaduni, Sanaa na Michezo kwa ushirikiano wa karibu na TFF ambao umefanya

mambo mengi kufanyika kwa wakati hivyo kuleta mafanikio makubwa katika kipindi kifupi.

Amesema Serikali imesaidia kwa kiasi kikubwa kufanikisha kuandaa mkutano wa 44 wa CAF ambapo ameeleza kuwa umeleta mafanikio makubwa katika michezo na uchumi wa nchi kwa ujumla.



Mhe. Mehengerwa Ang'aa, Afunga Goli Mechi ya Marais wa CAF na Viongozi wa FIFA na Wachezaji Nguli Duniani

Na Mwandishi Maalum

Waziri wa Utamaduni, Sanaa na Michezo, Mhe. Mohamed Mchengerwa ameibuka miongoni mwa wachezaji waliong'aa katika mechii ya kihistoria baina ya marais wa mashirikisho ya soka wa mataifa ya Afrika na wachezaji nguli duniani leo Agosti 10, 2022 jijini Arusha.

Mechi hiyo imechezwa jioni ya leo katika eneo la Shule ya St. Constantino baada ya kumalizika mikutano mkuu wa Shirikisho la Soka Barani Afrika

(CAF) uliofanyika katika Kituo cha Kimataifa cha Mikutano cha Arusha na kuhudhuriwa na wageni kutoka nchi 58 duniani.

Katika mechii hiyo, Mhe. Mohamed Mchengerwa aliifungia timu yake goli baada ya kuwachanganya mabeki wa timu pinzani.

Kabla ya kuanza kwa mechii hiyo Mhe. Mchengerwa alitoa zawadi za Serikali kwa viongozi mbalimbali wa FIFA na CAF.

Miongoni mwa viongozi hao ni Rais wa FIFA Gianni Infantino, Rais wa CAF Patrice Motsepe na Katibu Mkuu wa CAF.

Mhe. Mchengerwa amesema haya ni mafanikio makubwa kwa Tanzania kuandaa mkutano huo ambao umekwenda kuitangaza Tanzania kimataifa.

Amesema dhamira ya Serikali kwa sasa ni kutumia michezo kuitangaza Tanzania kimataifa.

Waziri Mkuu afungua mukutano wa 44 wa CAF





Mhe. Mehengerwa - CAF Kuzindua "Afrika Super Cup"



Mhe. Mehengerwa Ampokea Rais wa FIFA



FIFA Kuendelea Kuisaidia Tanzania, Yalidhishwa na Utendaji Wa Rais Samia



Dkt. Abbasi Awaongoza Rais Wa FIFA, CAF Kupanda Miti



Waziri Mehengerwa Awaongoza Rais Wa FIFA, Nchi 58 Kuitazama Royal Tour



Rais wa FIFA Awaongoza Wajumbe wa Mkutano Mkuu Wa CAF Kucheza Singeli



Karia Amshukuru Mhe. Rais Kufanikisha Mkutano wa CAF



Mhe. Mehengerwa Ang'aa, Afunga Goli Mechi ya Marais wa CAF na Viongozi wa FIFA na Wachezaji Nguli Duniani



WIZARA YA UTAMADUNI, SANAA NA MICHEZO

**Limeandaliwa na Kitengo cha Mawasiliano
Serikalini - GEU**

Mawasiliano

P.O. Box 25, Dodoma, Tanzania
Mji wa Serikali Mtumba
Telephone: +255 26 2322 129
Nukushi: +255 26 2322 128
Barua pepe: km@habari.go.tz